

الله أكبر

۱۳۳۰

والله يهدي من يشاء الى صراط مستقيم

دینی، علمی، ادبی، سیاسی ہفتہ لک مجموعہ اسلامیہ در

اتبعون اهدکم سبیل الرشاد

صاحب و مدیر مسئول : ع . اشرف اویس

جلد ۲-۹

صفر ۱۵ ۱۳۳۱ پنجشنبه ۱۰ کانون ثانی ۱۳۲۸

٢٢٨ - ٤٦ دد

بو یوکسک وجدانی انسانیت پرور ارباب مدینتک انظار تقییحه
عرض ایدیورز .

بالقان مظالمی، بالقانلرده دوکیلن قانلری، یاقیلان خانانلری،
بوغازلان معصوم انسانلری صلیبک بر مظفریتی شککنده برغرور
آلقلشایان سفیل پولتیقه جیلرک بی حس وجدانلری بو فجیع لوحه لر-
دنده متأثر اولمیه جغنی بیلمزدکلز .

اونلر هر طرفی قابیلان بویغین ییغین اجسادک، نهرلر تشکیل
بدن و معصوم قانلرینک. آج پریشان سورونن بوانسان سوریلرینک
منظره دلخراشی قارشوسنده ینه اصلا برحس تأثر و مرحمت کوستر-
میه جکلردر .

چونکه کویلری، قصبه لری، وادیلری یابللری طولدیران جسدلر
اسلام ایدیلر . آقیدیان معصوم قانلری، مسلمان چوجقلری، اسلام
قادینلری در . یوقسولقله، آچقله، خسته لقله تلف اولغه محکوم
اولان بو برسوری انسانلر، صلیبک ربقه حمایه سندن خارج مسلمانلردر!
اونلرک یالکیز مسلمان اولملری، کندیلرینک احکام مدینه دن
خارج طوتلمه لرینه، انسان صایلمه لرینه یکانه وقوی برسیدر .

دین عیسی نک تظلم نما بر تمثال شفقتی اولسی ایجاب ایدن صلیبک،
معصوم قانلرندن متشکل حوضه لره آتیلرسی بیله بونلرک کین انظفا
نازیرلری سوندوره مدی، حالاده سوندوره میور!... بالقان
حکومتلرینک خرسیتیانلرک تخلیصی (!) ایچون آچدقلری بو حرب
مشومده ارتکاب ایدیلن شاعتلر مدینت خرسیتیانیه نامنه ابدی برلکه
اولوب قالمیه جقمیدر . مدنی آوروپا کندی دینلرینک وسیله ظلم وقهر
اولمسنه داهانه وقته قدر تحمل ایدم جکلردر! بوتون انسانلره برحلم
شفقتکار تعلیم ایدن، برقاریجه نک بیله ایجیلتمه سنی الک بویوک برکنانه
صورتنده کوسترن حضرت عیسی نامنه ارتکاب اولنان فضیحه لر
شبهه یوق که جزاسز قالمیه جق، برکون پک مدھش برعکسی تأثیر
کوستره جک، بو کون پیرامن عرشه قدر یوکسلان واولای معصومین
فضاء بی پایان ایچنده بوش یره سونوب کیتیمیه جکلدر .

وسیعلموالذین ظلموا ای منقلب یقلبون !

سیروز رملخفاشده بلغار مظالمی

بو هفته اداره خانه مزه هویتلری بزجه معلوم ظلمدیده ایکی
دینداش مراجعت ایدمک بلغارلرک سیروز و ملحقانده ارتکاب
ابتدکاری خونین فجیه لره تقلیه قیلریمیزی پر خون، دماغلریمیزی
داغدار تالم ایدیلر .

اک خان صیرتلانلردن دهها خونریز اولان بلغار جانیلرینک
قانلی پنجه لرندن برتقرب قورتیلوب استانبوله کله بیلیمش اولان بو
بدبخت مسلمانلری دیکلرکن اعماق سینه مزدن قوبان هیچقریققلری
ضبط ایدمیه رک، شہقات المنا کمرله اونلرک همد اشکباری اولمشدق.
بوخونین فجیه لر او قدر دهاش، اونسبتده سباغانه بر طرزده جریان

ایتمش که، انسان، وجدان و مرحمت دینلن مزایای بشریه دن ببتون
تجرد ایتش، شیطان طینتلی، ییلان قلبلی بو برسوری عجوبه
مظالمه (بشر) نامی اتنده برلشدیکنی کوره رک انسان اولدیغنه
پشیمان اوله جغنی، انسانیت نامنه لغتار، نفرتلر یاغدییره جغنی کلور .

وطنک بدبخت بر پارچه سنده، روم ایلینک زمردین بالقانلرنده،
آطملرک رنگین کلمستانلرنده، اسلاملرک یکرمنجی عصرده صلیب نامنه
اوغرادقلری بو مدھش قهرلر، او بی امان ظلملر بوتون ملتک
حافظه انتقامنده دائم صیزلار بر جریحه حالنده قالمی وقاله جقدر .
بوکون ملوث چامورلر اتنده چیکنه نن ناموس ملتی بارین یوکسکتمک،
یوکسکته بیلیمک، خونین پنجه لر آره سنده ازیلن معصوم دینداشلری،
خان جنوارلرک ملوث قوجاقلرنده تیرمین مسلمان قیزلری قورتارمق،
بو ظلملرک انتقامی آلمق، آله بیلیمک ایچون قیلریمز داهای سریع ضربان
ایتمی، روحلریمز داهاجوال وحساس اولمی، طمارلر مزده اجدادیمزک
خون حماسی داهای زیاده بر فعالیتله جولان ایتلیدر .

یکرمنجی عصر مدینتک بو فجیه دیدم بدبختلری (سیروز)
استیلاسنی، سیروز قتل عامی بزه شو صورتله نقل ایدیلر :

تشرین اولک یکرمنی اوچنجی صالی کونی اقشامی بلغارلرک سیروزه
یاقلاشدقلری خبری بر سرعت برقیه ایله هر طرفه شایع اولدی .
اساساً سیروز، بلغار استیلاسنه اوغرایان ملحقانلر ورود ایتش اولان
مهاجرین ایله مالامال ایدی. بو خبر اوزرینه مأمورین ملکیه وعسکریه
شهری ترک وسلانیکه متوجهاً حرکت ایتدیلر .

بلغارلرک طبع خونریز لرینی پک کوزل تقدیر ایدن، ملتجیلرک
نقل ایتدکلری مناقب خونین ایله بردهشت وهراس اولان اهالی او
کیجه بی قورقونج برکابوس تلاش ایچنده یخیردیلر. ایرتسی چهارشنبه
کونی آنات مدھشیه بر صحنه فجیه دار اوله جقدی . فی الحقیقه او
کون، قان ایچیلکی ایله مشهور بلغاراشقیاسندن (زانقوف) معیتده کی
اون بش شقی ایله سیروزه داخل اوله رق شهری تسلیم ایتدی .
زانقوف ییرلی بلغارلرله برلکده چهارشنبه، پنجشنبه وجمعه کونلری
اهالی اسلامیه نک سلاحلرینی طوپلامقله مشغول اولدی. طوپلانیا لان
سلاحلر ییرلی بلغار وروملره توزیع اولینیوردی .

تشرین اولک ۲۷ نجی جمعه ایرتسی کونی جنرال (قوواچف)
اداره سنده اوله رق توره قوپدن بشیک بلغار عسکری شهره کیردیلر.
جنرال، شهرده بولنان مستحفظ ضابطان وافراده عثمانیه نک حکومت
جلب ایدلمسی امرینی ویردی. بو وسیله ایله مسلح اشقیاء اسلام اولرینه
هجوم ایدمک طوپلادقلری بش آلتی بیک اسلامی حبسخانه لره طولدیردیلر.
بدبخت اسلاملر بو صورتله حبسخانه یه طولدیرلدقن صکره ساعت سکر
بحقده انسانیت ایچون ازلی برلکه اوله رق صحائف تاریخی تلویث ایدمک
خونین صفحه لر باشلادی . جنرالک امریله، یوزیکرمی بدبخت اسلام؛
اوکون حکومت ایچنده قورشونه دیزلدیلر . جنرال، توپلری اوربرتن
بوقانلی منظره بی برذوق سباغانه ایله تماشا ایدیور، زمین مظالمده آل

افراددن اولوب مملکتلرینه عودتلهینه مساعده ایدیلن درتیوز (۴۰۰) غنائلی عسکری، جنرال (قوواجهف) ک امریله پیاده قشله سی آرقه سنده، خائنه قورشونه دیزلایلر. قتل عام جمعه ایرتسی کونی آقشامنه قدر بوتون انصافسزانی بوتون دهشتی ایله دوام ایلدی.

حبسخانهیه طیقلمش اولان اسلاملر محلی روم اشراف ومیتره بولید. ینک شفاعتیه بازار کونی ساعت درتده تخلیه ایدلایلر. قتل عامدن صوکره یغما وتخریب باشلادی. بلغار عسکریه یرلی خرسیتیانلر، چارشولره آتدایلر. اسلام دکانلرینک قابولری قیرلیدی. نه بولدیلسه برجه براتمامق اوزره یغما ایتدایلر. سیروزده بشیوز قدر اسلام مغازه سی واردی. کافه سی یغما ایدلیدی. یالکز بزاز محمد وتحافیه جی ویسل افندیلرک دکانلری یغمادن قورتوله بیلدایلر. محمد افندیلرک دکاننه قومشولری طرفندن (خاچ) قوندلیغندن وویسل افندیلرک دکانی ایسه ایچنده بولنان رومک دکانک کندیسنه عائد اولدیغنی ادعا ایتمش اولدیغندن یغمادن قورتیله بیلمشلردر.

دکانلر یغما ایدلکدن صوکره یرلی خرسیتیانلردن هربری یاننه برقاج بلغار عسکری آلهرق اسلام اولرینه تعرض ویغمایه باشلادایلر. هیچ برخانه بو یغمادن قورتیله مامشدر. بلغار عسکرلری اولرده بوله بیلدکلری پاره وژی قیمت مجوهراتی آلدقدن صوکره متباقی اشیا وارزاق یرلی خرسیتیانلر طرفدن طوبلانیهرق کندی خانلرینه نقل ایدلایلر. یغما اتناسنده حبسخانهده چیقاریلان اشراف وعلماء محلیه دن برچوقلری پک فجیع حقاراته معروض قالمشلردر.

مشاهیر علمادن، ورع واتقاسیله معروف طوبال اووهلی مدرس حافظ حسن افندیلرک خانه سنه کیرن شقیلر، اوی طام طاقیر صویدقدن صوکره مجرد اسلاملرک الک بویوک عالمه الک شنیع حقارتی یایمق ایچون مشارالیهک صقاللرینی یولدایلر، الیسه لرینی طون وکوملکه وارنجیه قدر صویهرق انادن طوغمه چیریل چپلاق یاپدقدن صوکره دیچکلر، توکروکلر آلتنده سوقاق سوقاقی طولاشدیردایلر.

ینه علمادن چلنکرزاده عیدالله ومکتب اعدادی علوم دینییه معلمی عبدالله افندیلرک خانلری ینما اولندقدن صوکره بیچاره لر سونکولر، دیچکلره بی تاب وتوان قالینجهیه قدر ضرب ایدلایلر، تجاوزات سباغانهک اتواعنه معروض قالدیلر. صاریقلری پارچالانهرق بوغازلرینه طاقیلدی.

الیوم سیروز سنجاغی داخلنده قتل عامدن قورتیلهرق قاله بیلان اسلاملرده بیهجک، کیهجک نامنه هیچ برشی قالمامشدر. هپسی آج، صوسز، چیریل چپلاق هر آن، هر دقیقه اولومه انتظار ایدیورلر.

اشرافک چیفتلکلری یغما ایدلیدی. اکثریسنک بنالرینی بیه یاقدیلر. شمدی سیروز وملحقاننده هیچ برکیسه نهفس، نهده صاریق کییه بیلدورلر. سوقاغه چیقه بیلدیلر، باشلرینه بلغار (شوباره) لری کیمک مجبوریتنده در. اشرافدن عاقل بک ایله مبعوث سابق ناشدبک، دامادی جودت بک، علمادن مفتی زاده اسمعبدک، روم معتبراندن

قانلر ایچنده چیرینان بوبد بخت شهیدارک جا، چکیشمه لرینی سیرایدهرک اکلک یوردی. اورته ده هیچ بر سبب یوق ایکن مجرد یرلی شقیلرک تشویقیله ارتکاب ایدیلن بوفضیحه نک قربان غدیری اولانلر آره سنده، هنوز غنفوان شبا بته طویه مامش، کنجیلر بولندیغنی کبی، هرمدیده آق صقاللی برچوق اختیارلرده واردی. سیروزجه معروف، صاری شعباندن غازیلیلی توتون تجاری حسین افندی ایله برادری، مدرس امین افندی، بربر تحسین افندی، حاجی حسنی افندی زاده حیدر افندی کبی ذواتده بومیانده زمره شهیدایه التحاق ایلشلردر.

فجایع بونکله خانمه ایرمدی. بوخونین وقعه، بالاخره ظهور ایده جک اولان قانلی حادثه لرک بر مقدمه سی ایدی. فی الحقیقه بو وقعه دن صوکره درکه ابدیاً قلوب اسلامیه بی یاقه جق خونین ملحمه لر، انصافسز قتل عاملر توالی ایلشدر. جنرالک امریله بلغار عسکری، یرلی بلغارلر قودورمش جنوارلر کبی چارشولره، اسلام محله لرینه هجومه باشلادایلر. امان یارب! اونه مدهش منظره ایدی. برقیامتدر قوپدی. زوالی اسلاملرک واولای معصومینی کنبد آسمانی تیتره تیور، جانخراش صدارل اورته لغه دهاش برغلغله صالیوردی. قوشانلر، اولنلر، دوشنلر، باغیرانلر، آل قانلر ایچنده سوروکلر، قادیلرک نوحاتی، چوجوقلرک باغیریشمه لری هیچ، ثبوت هیچ برشی بو قودورمش جنوارلری طور دیره میور، متأثر ایده میوردی. اولنر متصل کسپورلر، اوریورلر، اولدیریورلر، پارچه لیورلر!.. وینه متصل طوغرایورلردی. امان یارب! اونه حالدی، اونه مدهش منظره خونین ایدی!

[بواننده ناقل اومنظره مدهشیه بی تکرار کوریورمش کبی برلرزه نفرت وهراسله سیلککندی. درین درین ایشیدیلن هیچقریقملر بوغازینی طیقامشدی. بر فوران تله فله طوغرولدی. مستعد سیلان اولان اشک تأثر باران مثال کوزلرندن آقیور ویزی ده اغلادیوردی. رعشه دار بر (اووف!...) چکدکن صکره ینه سوزینه دوامله: [ثبوت، بواویله مدهش بر منظره ایدی که یادی بیه بوکون توپلریمی اور برتیور، قلبی پارچه لیور، روحی لرزه دار ایدیور. تاریخ بشریتک سیلنمز برلککسی اولان بوکونده چارشوده، بازارده، خانه، دکانده، اوده، اوتلده اختیار، کنج تصادف ایده بیلدکلری بیک ایکوز (۱۲۰۰) اسلامی، بیک ایکوز بدبختی بر صورت فجیعه ده طوغرایدیلر، قتل ایتدیلر. قتل عام پک مدهش، پک انصافسز ایدی. اولجه بلغارلر طرفندن حبسخانهیه طیقلمش اولانلرله اوتده بریده، بودوروملرده، قویورلرده، طاوان آره لرنده، صاقلانه بیلنلردن باشقه بر فرد قورتیله مدی.

سوقاقلر، پارچه لاش، طوغراشمش، کسيلمش، اورولمش، اسلام جسدلریله لبالب طولمشدی. جنازه لر تمام اوچ کون سوقاق اورته لرنده قالدی. جانلر آرتق اولدیره جک کیمسه بولامانجهیه قدر جنایتلرنده دوام ایتدیلر.

فجایع بونکله ده یتیمه مشدی. سلائیکده یونانیلره تسلیم اولان

اکتفا ایدمه مدیلر . مقابر اسلامیہ بیلہ بوقایمیز باربارلرک تخریب اتندن قورتیلہ مدی . مزار طاشلری ، و صندوقه لکاملأ قیرلدی . مزارلری خاک ایلہ یکسان ایدلدی .

سیروزده هنوز قاجوب قورتیلہ میان بدبخت و بیکس اسلاملرک ، ارککلری قتل ایدیلن قادیلرک احوال پرفجاعتی سزه حقیله آکلته بیلیمک ایچون کلمه بوله میورم . آج ، صوسز ، سفیل ، پریشان ، هرکون هرکیجه جانلرک هجوملرینه معروض بیکلرجه سفالت زده عائله لر ، بومدهش جهنمدن قورتلق ، قورنارلق ایچون تیتیریورلر ، یالوا ییورلر . هلالک زیرشفقتنده ، خدمتکارلق ، اوشاقلق ایتمکی بیلہ جانہ منت بیایورلر . حکومت مزک کندیلری بیلان قلبی بوخائلر الدن قورتاردرق اناطولی یه نقل ایتمک تشبثنده بولونمسی آغلایه رق صیزلایه رق نیازایدیورلر . سیروزجایی بیلہ ! ماحقاقه کلاجه : قضاو کوبلرک برقم اهاالیسی اولجه (سیروز) هجرت ایتمشلدی . بوبدبختلرده سیروزده عینی فجایعه دها مدهش برصورتده معروض قالمشلدی . متصرف (استویه) ایلہ پولیس مدیرلکنه ارتقا ایدن اشقیا رئیس (رانقوف) مهاجرینک قصبه وکوبلرینه عودت ایتملری امرینی اصدار و اعلان ایدیلر . قافله مهاجرین بلغار اشقیا و عساکری آرمهنده شهردن چیقاریله رق میدان اعدانه سوق ایدیلر . شهردن اوزاقلشدقن صوکره بو قافله محکومین میانده کی ارککلر ، چوجوقلرینک ، قادیلرینک آسمانلر تترمن فریاد و فغانی قارشوشنده کاملاً طوغرائیلدیلر . قادیلرله هنوز سن تمیزه واصل اوله میان چوجوقلرک باشلرینه خاچ قونیلهرق تنصر ایتمیرلدیلر . زورله خرسستیان یا بیلان بوزوالیلر ، الان بلغار جانلرینک نیجه خونینی آلتنده ازیلیورلر . شمدی سزه قضا لک احوال فجایع نمانسه دائر قانلی وقعه لری نقل ایدیم :

بلغارلر (پتریح) قضا سنه کیردکاری زمان ، حسن و آتی ، تناسب اندامی ایلہ مشهور بشیوز قدر باکر اسلام قیزلرینی طویلایه رق حکومت قوناغنه طولیدرذیلر . ناموس و عصمتی جانی نیجه لک خان احتراصلرندن قورتارمق ایچون بوطالع زده قیزلردن بر عفت مجسمه کندیسنی حکومت قوناغی نیچره سندن آتهرق اتخار ایتدی . جوهر ناموسنک قانلی دیشلر آرمهنده پارچالانمهنی کورمکدن ایسه اولومک آغوش باردینه آتیلننی جانہ منت بیلدی ! بدبخت قیز ! بوکون پیرامن عرشه اعتلا ایدن روح عصمتک ، نوحات جانکذاریلہ شبهه یوق عرش برینی بیلهلرزه دار ایتمشدر . امین اول که سن اولمک ! بوکون یاره لانش رشیرکی قارشوشنده کی صائسارلر آتش کین و انتقام پوسکورن برملتک قلب احترامنده ابدیاً یاشایه جقسک ! ... آنالرینک آغوش شفقتندن غصب ایدیلهرک حکومت قوناغنه جمع ایدیلان بو بشیوز اسلام قیزی قارداشلرینک ، بدبخت آنالرینک و اوایلای ایننداری آرمهنده (هدیه) اولهرق صوفیه یه کوندردیلر . پتریح قضا سنه تابع بوتون اسلام کوبیلری تنصر ایتدیرلدیلر .

(ملک) قضا سنه کی بوتون اسلام کوبیلری احراق ایدلدی .

بعضلرینک خاهلرینه التجا ایتمک صورتیلہ تخصیص نفس ایدمه بیلیمشلدی . مبعوث سابق درویش کی آرامق مهانه سیله اسلام محلاتی سونکولی بلغار عسکرلری محاصره ایتدیلر . ومفتی عصام الدین افندیکنک خانه سنی بوسیلہ ایلہ یغما ایدهرک اشیا و نقود نامنه هیچ برشی بر ایدیلر .

بلغار سیروزه کیردکاری زمان ضابطانندن (استویه) نامنده برظالمی متصرف یا بمشلدی . بوغدار ، تمام بر بقی آی اجرای مظالم ایتدکن صوکره یرینه بلغارستانک آتیه سفیر سابقی (حما مجیه) اسمنده دیکر برخان کلدی . دها صوکره (وولقوف) اسمنده برده والی عمومی کونده رلدی . اسلام اشرافی جان و ماللرینک محافظه سی ایچون والی (وولقوف) مراجعت ایتدکاری زمان کندیلرینه (جانکزی قورتارمق دوشونیکز ، مال قایغوسی نه لازم !) جوابیلہ بلغارستانک تعقیب ایتدکی مسالک سیاستی آکلتمش اولدی . سیروز فجایعی اشقیایه انناد ایدن مدنی آوروپا حکومتلرینک قولاقلری چینلاسون ! .. جنراللر و دها طوغریسی قرال فردیناند حکومتی روم ایلی ده کی اسلاملری کوکندن قازیمق مسالکنی تعقیب ایتمه مش اولسه لردی اشقیا برکیمسه یی بیلہ اولدیره مزلری . هم نه لازم ، کرک اشقیا و کرک عسکره اسلاملری قتل و ماللرینی یغما ایتمکی امر ایدن بالذات آوروپاک تجیل ایتدکی مدنیت اردولرینک قوماندانلری ، جنراللریدر ، بونلری کوزیمزله کوردک ، قولاغمزله ایشتدک !

فردیناندک اوغلی پرنس (بوریس) ک امریلہ بر اسلام کوبی تمامیلہ یاقیلدی . اهاالیسی قادین ، ارکک چوجق بردانه قالمی نه یه قدر باربارانه بوغازلاندیلر ! ...

(اسکی جامع) نامیلہ معروف سلطان مراد خداوندکار جامع شریفنک مناره لری بیقیله رق کلیسایه تحویل ایدلدی ، شمدی بومعبد قدسینک بالای کنبندنده اذان محمدی یرینه جان سسلری طنین انداز اولیور . دیکر جوامع شریفنک کلیملری ، شمعدانلری ، کعبه اورتیلری صوفیه کونده رلدی . بعضیلرینک تختلری بلغار عسکرلری طرفندن سوکیلهرک یاقیلدی . شمدی بوجاملر آخور حاله قلب ایدیلهرک ایچلرینه حیوانلر باغلا نلقده در . مشهور (مولانا بدالدین سیماوی) حضرتلرینک تربه سی ابدسخانه یاقیلدی . [*]

[*] بدالدین سیماوی ترک علماسی آرمهنده بر خارقه فضیلتدر . الافه انتقال ایدن آثار عالیه سی قدر کلاسیک بیوکلیکنی هر آن اثبات ایدر برر آبدات مخلده صاییلر . صوک عصرده یتیشن آوروپا حکما سنک پایه عرفانه بدالدین دها اودورلرده ارتقا ایتمش دی . تلقینات عالیه سنی احاطه ایدمه بین تلمیذانی مشارالیهک بادی فلاکتی اولمشلدی . بدالدین تدقیق و تتبع ایدیلهرک بردهای کلاسیکدر . شمدی یه قدر عثمانلی مورخلرینک یا کلش اتهاماتی آلتنده استحال ایدن بوسیا ، امید اولنور که قدر شناس و متنبع ذواتک همتلریله رنک اصلینده طانیله جقدر . بلغار شقیلری ، مشارالیهک تربهنه قارشو کوستر دکلری حرمتسز لکه علم و فنه اولان درجه ارتباطلرینی اثبات ایتمشلدی . اعاضمه پرستش ایدن ، بدالدینک افکار حکیمه سنی آلفشلائان آوروپا متفکرلرینک قبلری عجباً بو حالدن اولسون بر اضطراب حس ایتمه جکی ؟

قتل عامدن قورتیلان اسلام قادین وچو ققلى بلغار خانلرنده خد-
متجیلک و اوشاقلقله استخدام ایدیلورلر .

قتل عامك الزیاده شدت ودهشتی (رازلق) قضا سنده وقوعه
گلشدر . رازلق ده ، ارکک ، قادین وچو قق نامنه هیچ بر اسلام
قلامشدر . بلغارلر بوبد بختلری کاملاً جامعلره ، اولره طولدیروب
صورت فجیعده احراق ایدیلر .

(نوره قوب) قضا سنده ، قصبه داخلنده انجق اوتوز قدر مسلمان
خانه سی قالمشدر . دیکرلری کاملاً یا ایدیلر . جامعلره ایسه بومبا قویهرق
بر هوا ایتدیلر . فقط نوره قوب کویلیلری بلغارجه ای بیلدکارندن
بونلر قتل عامدن قورتیلله بیلدیلر . جمله سی (تنصر) ایتدیلدی .
کنجیلر عسکره آلهرق بلغارستانه سوق ایدیلر . قیزلر ، یرلی بلغارلره
تزویج ایدیلدی . اهاالیسی تنصر ایتدیریلن کویلر میانده صاتو فجه ،
پلاتینا ایله دوسپات حوالیسنی تعداد ایده بیلیرز .

(جمعه بالا) قضا سی ده نوره قوبك معروض قالدینی تخریباتدن
قورتیلله مامشدر .

(دمیر حصار) قضا سنده ماحق بوتون اسلام کویلری کاملاً
قتل عام ایدیلر . اهاالیسی صرف اسلامدن عبارت اولان (طوز
چیلی) قریه سنده بوکون تک بر مسلمان قلامشدر . بونلرک اراضی
و خانلری بختیار چیفتلیکننده کی بلغارلره بخش و توزیع ایدیلدی .
(و تیرنا) قریه سنده برکونده ایکوزاللی (۲۵۰) اسلام بوغازلامشدر .
کویده شمدی درت بش کشی قاله بیلیمش واونلرده تنصر ایتشدر .
آشاغی پوروی ، یوقاری پوروی ناحیه لریله ، ماتیشا ، شوغووا کویلرنده کی
اسلاملر کاملاً قتل ایدیلر . بوکون دمیر حصار ماحق قاتنده ه چچ بر
اسلام قلامشدر . یالکز پورویلی سالم بک تنصر ایتک و همشیره سی ده
بر بلغار اشقیا رئیسنه تزویج ایتک صورتیلله قتل عامدن قورتیلله بیلیمشدر .
کاملاً تنصر ایدن برقاج اسلام کویلرینک اماملرینی پاپاس یایدیلر .
دمیر حصارده کی مسلمانلر اولرینک قوبولرینه آتیلیمق صورتیلله اولدیر-
لمشدر . تحقیق ایتک ایستیانلر ، بد بختلرک نعلشیرینی بوکون بیلله قویولرده
بوله بیلورلر .

(زینجه) قضا سی اهاالیسنک قسم کلیسی روم ایدی . بونلرده
بلغارلره باقرق اسلاملری عینی صورتله بوغازلامشدر ، قادینلری
وچو ققلى خرسیتیان یا ممشدر . زینجه ده اون بش فرددن مرکب
اولان بر عالنه دن یالکز برکشی قاچه رق قورتیلله بیلیمش ، دیکرلری
کاملاً غدارانه بوغازلامشدر . تنصر ایتدیریلن اسلاملر ، ادوار
ماضیه نك بت پرست آیینلرینی آکدیره جق مراسمه تابع طوتیلورلر :
هانکی کوی قادین وچو ققلى خرسیتیان یاییله جتسه ، اولا چارشافلری
چیقاریلهرق دجال آلایینی آکدیرر برنایشله کلیسایه سوق اولتورلر .
ملکمتک بوتون کنج و اختیار بلغار ارککلری حضورنده بو قادینجیزلر
آنادن طوغمه چیریل چیللاق صوییلدقدن صوکره یینه بو غلبه لک
اوکنده پاپاسلر طرفندن زیتون یاغلی بر صویه صوقوله رق وافتیز

آیینی اجرا ایدیورلر . بو آیینی متعاقب زواللی قادین آرتق خرسیتیان
اولمش عد ایدیلور . وافتیز ایدیلن اسلام قیزلری خرسیتیان کنجلیرینه
توزیع اولتور و بو صورتله صلیبک پرستشکارانی چوغالتیلور .
دوکونلرده اسلام قیزلرینه ، کنج قادینلرینه شراب ایچیریلهرک بلغار
کنجلیله (حوررا) تمکه مجبور طوتیلورلر . جبراً تنصر ایتدیریلن
مسلمانلرک (برهیزی) بوزماملری ایچون بلغارلر کنجیلرینی کیجه
یاریلرینه قدر صیقی بر نظارت تحتنده طوتیلورلر .

سیروز سنجانغی داخلنده یتش ایکی بیک (۷۲۰۰۰) اسلام
واردی . یتش ایکی بیک اسلامدن جبراً تنصر ایتدیریلنلره برابر
بوکون آنجق یکرمی بیک کشی قاله بیلیمشدر . متباقی اللی ایکی بیک
(۵۲۰۰۰) بد بخت بلغارلر طرفندن وحشیانه بوغازلامشدر .

خرستیانلک خلاصکاری اولان بلغار جانلرینک صلیب نامنه
اجرا ایتدکاری مظلومدن ایشه برلوحه فجاعت ! عالم خرسیتیانیت ،
یکرمنجی عصرده دین نامنه روا کوربان شوقانی فاجعه لردن عجا
اوتانوب صیقلمیه جقمی ؟

[بوغایی بتون مطبوعات اسلامیه نك نقل ایتلری رجا اولتور .]

شیخ الاسلام افندی زاده نظرند

ملت اسلامیه نك یکانه چارده خلاصی

شیخ الاسلام جمال الدین افندی حضرتلرینک مخدوم عالیلری
(تربیه اسلامیه) جمعیتی کاتب عمومیی احمد مختار بک افندی ،
سلطنت عثمانیه نك فلاکت انقراضدن قورتیلهرق بر حیات نوین اکتساب
ایده بیلیمسی ایچون تطبیقی ایجاب ایدن تدابیر صائبیه عائد بو هفته
اقدام غزته سنده بر مقاله نشر ایتشدر .

مختار بک افندی ، دها اول یینه اقدامده انتشار ایدن ایکی
مقاله سیله « اوروپا لایلاشمق » لزومنی ادعا ایتش و بو یول تعقیب ایدلمدکجه
بزم ایچون انقراض واضه حلالدن قورتلق ممکن اوله میه جقمی صمیمی
بر لسان تأثرله تصویر ایشدی .

فقط بو مقاله لرده نه صورتله اوروپا لایلاسه جغمزده دائر برشی سویلنمه-
مشدی . بو هفته کی مقاله ، بزه بو یولی ماده بماده تصریح ایدیور ،
کوستریور . مختار بکک مطالعه سنده نظراً ؛ سلطنت عثمانیه و خلافت
اسلامیه نك فلاکت اضمه حلالدن تخیلی ایچون سریعاً تدابیر آتیه نك
تطبیقی لازم ایتش . مشارالیه تدابیر مذکورده ماده ماده بوجه آتی
تعداد ایدیورلر :

[اولاً - حقوق اساسیه متبحرین علماسندن فرانسز معلم (اسمهن) ،
حکومات متحده آمریکا قانون اساسی سنده دائر تألیفات کزین صاحبی انکلز
(بریس) کی اوچ درت ذات جلب ایدرک و بونلره حقوق شناس و علمای
رجال دولندن برقاج ذاتده ترفیق ایله « سلطنت مشروعه » اساسنه مبتنی
و بو ملک وملتک احتیاجاته انجق موافق بر قانون اساسی تنظیم و تصدیق
جناب پادشاهی افتران ایتدیروب در عقب موقع تطبیقه قویق .]